

Na osnovu člana 5. i 29. Zakona o Vladi Tuzlanskog kantona ("Službene novine Tuzlanskog kantona " broj: 17/00, 1/05, 11/06, 13/11 i 15/17), a u vezi sa članom 77 stav 3. Zakona o izvršenju Budžeta Tuzlanskog kantona za 2024. godinu ("Službene novine Tuzlanskog kantona", broj: 3/24), Vlada Tuzlanskog kantona na sjednici održanoj dana _____ 2024. godine, d o n o s i:

PROGRAM

o utvrđivanju uslova, kriterija i postupaka za raspodjelu sredstava u Budžetu Tuzlanskog kantona za 2024. godinu "Materijalno zbrinjavanje socijalno ugroženih"

I

Ovim Programom utvrđuje se uslovi, kriteriji i postupak raspodjele sredstava Budžeta Tuzlanskog kantona za 2024. godinu "Materijalno zbrinjavanje socijalno ugroženih" (u daljem tekstu: Program) u iznosu od 204.800,00 KM (slovima: dvijestotinečetirihilljadeosamstotina konvertibilnih maraka).

II

Program raspodjele sredstava obuhvata:

- | | |
|--|--------------|
| - Sufinansiranje troškova električne energije raseljenim licima smještenim u izbjegličkim naseljima i kućicama Holandske Vlade | 94.800,00 KM |
| - Sufinansiranje troškova nabavke ogrjeva (uglja, drva) raseljenim licima smještenim u izbjegličkim naseljima i najugroženijim raseljenim porodicama u individualnom smještaju | 50.000,00 KM |
| - Sufinansiranje troškova socijalno neprofitnog stanovanja | 60.000,00 KM |

III

Sredstva iz tačke II stav 1. alineja 1. ovog Programa mogu koristiti raseljena lica smještena u izbjegličkim naseljima i kućicama Holandske Vlade na području Tuzlanskog kantona pod uslovom da imaju priznat status raseljenog lica i da ukupni prihodi po članu domaćinstva ne prelazi 14% prosječne plate u Tuzlanskom kantonu iz predhodne godine. Pod ukupnim prihodima se smatraju:

1. Plaća i druga primanja iz radnog odnosa,
2. Starosne, invalidske i obiteljske (porodične) mirovine,
3. Prihodi od poljoprivredne djelatnosti,
4. Prianja po propisima o boračko-invalidskoj zaštiti i zaštiti civilnih žrtava rata,
5. Prihodi ostvareni na temelju imovinskog prava i
6. Prihodi od dopunskog rada.

Sredstva predviđena za namjene iz tačke II stav 1. alineja 1. ovog Programa koristit će se na osnovu Odluke Ministarstva za rad, socijalnu politiku i povratak Tuzlanskog kantona (u daljem tekstu: Ministarstvo) o sufinansiranju troškova električne energije u 2024. godini, na koju Vlada Tuzlanskog kantona daje saglasnost.

IV

Sredstva iz tačke II stav 1. alineja 2. ovog Programa mogu koristiti raseljena lica smještena u izbjegličkim naseljima na području Tuzlanskog kantona kao i najugroženije raseljene porodice u kolektivnom i individualnom smještaju na području Tuzlanskog kantona, pod uslovom da imaju status raseljenog lica i da ukupni prihod po članu domaćinstva ne prelazi 14% prosječne plate u Tuzlanskom kantonu iz predhodne godine. Pod ukupnim prihodima se smatraju:

1. Plaća i druga primanja iz radnog odnosa,

2. Starosne, invalidske i obiteljske (porodične) mirovine,
3. Prihodi od poljoprivredne djelatnosti,
4. Primanja po propisima o boračko-invalidskoj zaštiti i zaštiti civilnih žrtava rata,
5. Prihodi ostvareni na temelju imovinskog prava i
6. Prihodi od dopunskog rada.

Ministarstvo će uslove i kriterije iz ovog Programa dostaviti općinskim službama zaduženim za raseljena lica koje će u saradnji sa općinskim Centrima za socijalni rad, vršiti analizu primanja raseljenih lica i spiskove raseljenih osoba dostavljati Ministarstvu.

Osnovni kriteriji:

1. Ukupni prihod po članu domaćinstva ne prelazi 14 % prosječne plate u Tuzlanskom kantonu iz prethodne godine.

Posebni kriteriji na osnovu kojih se formira lista korisnika:

2. Broj članova domaćinstva

U slučaju da ima više porodica sa istim brojem članova domaćinstva, prednost će se davati porodicama iz ranjivih kategorija po sljedećem redoslijedu:

- a) Članovi porodica šehida-poginulih, nestalih i umrlih boraca,
- b) Ratni vojni invalidi,
- c) Porodice nestalih,
- d) Lica koja su imala status logoraša,
- e) Invalidna lica i distrofičari koji nemaju primanja po osnovu PIO/MIO,
- f) Samohrane majke i
- g) Demobilisani branioци.

Ministarstvo će svojom Odlukom utvrditi broj porodica i visinu finansijskih sredstava po općinama/gradovima za ove namjene, kao i visinu finansijskih sredstava po jednom domaćinstvu, a na koju Vlada Tuzlanskog kantona daje saglasnost.

V

Sredstva iz tačke II stav 1. alineja 3. ovog Programa mogu koristiti raseljene lica i socijalno ugrožene osobe po projektu CEB II- zatvaranje kolektivnih centara na području Tuzlanskog kantona koje su ranije bile zbrinute u kolektivnom smještaju pod uslovom da su izabrane i verifikovane kao korisnici projekta CEB II.

Sredstva predviđena za namjenu iz tačke II stav 1. alineja 3. ovog Programa koristit će se za subvencioniranje troškova smještaja korisnika kolektivnih centara i alternativnih smještaja, kao i subvencioniranje troškova komunalnih usluga onim korisnicima koji nisu u mogućnosti da sami snose troškove njihovog plaćanja.

Raspored sredstava za subvencioniranje troškova najamnina za neprofitno socijalno stanovanje raseljenih lica smještenih u zgradama sagrađenim za tu namjenu lica u stanju socijalne potrebe, će se vršiti po ovom Programu na osnovu kojeg će resorno Ministarstvo svojom Odlukom odobriti sredstva namijenjena za subvencioniranje troškova stanovanja za izbjegla i raseljena lica smještena u zgradama i lica u stanju socijalne potrebe sagrađenim za potrebe socijalno neprofitnog stanovanja, čija će visina finansijskih sredstava biti utvrđena po iskazanim potrebama općina/gradova resornom Ministarstvu, a na temelju sklopljenog sporazuma svake pojedine općine/grada sa Vladom TK ili resornim Ministarstvom ovlaštenim od Vlade TK za sklapanje takvog sporazuma.

VI

Sredstva za namjene iz tačke I ovog Programa utvrđena su u 23. razdjelu Budžeta Tuzlanskog kantona za 2024. godinu, glava 04, potrošačko mjesto 0002 – Materijalno zbrinjavanje socijalno ugroženih:

- za sredstva iz tačke II. stav 1. alineja 1. ovog Programa, ekonomski kod 614200 –tekući transferi pojedincima,
- za sredstva iz tačke II. stav 1. alineja 2. ovog Programa, ekonomski kod 614200 - Tekući transferi pojedincima i
- za sredstva iz tačke II. stav 1. alineja 3. ovog Programa, ekonomski kod 614 100 - Tekući transferi drugim nivoima vlasti.

VII

Za izvršavanje ovog Programa zadužuje se Ministarstvo za rad, socijalnu politiku i povratak i Ministarstvo finansija u skladu sa odredbama Zakona o izvršenju Budžeta Tuzlanskog kantona za 2024. godinu i raspoloživim sredstvima.

VIII

Program stupa na snagu danom donošenja i bit će objavljen u "Službenim novinama Tuzlanskog kantona".

BOSNA I HERCEGOVINA
Federacija Bosne i Hercegovine
Tuzlanski kanton
VLADA

PREMIJER KANTONA

Irfan Halilagić

Broj: 02/1 - _____/24
Tuzla, _____ 2024. godine

OBRAZLOŽENJE

Članom 77 stav 3. Zakona o izvršenju Budžeta Tuzlanskog kantona za 2024. godinu («Službene novine Tuzlanskog kantona» broj 3/24) propisano je da se raspodjela sredstava iz člana 77. tačka 3. vrši na osnovu Programa kojeg donosi Vlada Tuzlanskog kantona na prijedlog Ministarstva za rad, socijalnu politiku i povratak TK.

Sufinansiranje troškova, nabavke ogrjeva (50.000 KM) i električne energije (94.800 KM) utvrđeno je za raseljena lica u skladu sa članom 11. i 19. Zakona o raseljenim licima i povratnicima u Tuzlanski kanton i izbjeglicama iz Bosne i Hercegovine („Službene novine Tuzlanskog kantona broj: 02/06 i 15/11), vodeći računa o prihodima koji se uzimaju u obzir za određivanje prava na finansiranje.

Visina prihoda po članu domaćinstva od 14 % prosječne plate kantona za prethodnu godinu je uzeta kao osnov za određivanje prava na finansiranje što je dva puta veći iznos od cenzusa za ostvarivanje prava na stalnu novčanu pomoć za lice i porodice u stanju socijalne potrebe. U protekloj godini odobrena su finansijska sredstva čime je obezbjeđeno sufinansiranje troškova električne energije za 190 porodica.

Za navedene aktivnosti u 2024. godini očekuje se broj korisnika koji će biti umanjen za određen broj korisnika socijalno neprofitnog stanovanja na području Tuzlanskog kantona.

Troškove smještaja i komunalnih usluga za raseljena lica i socijalno ugrožene osobe smještene u zgradama sagrađenim za potrebe socijalno neprofitnog stanovanja, subvencionirat će se u iznosu od 60.000,00 KM predviđenim u Budžetu Ministarstva. Visina pojedinačnih finansijskih sredstava će odobriti resorno Ministarstvo svojom odlukom po iskazanim potrebama općina/gradova resornom Ministarstvu, a na temelju sklopljenog sporazuma svake pojedine općine/grada sa Vladom TK ili sklopljenog sporazuma svake općine/grada sa resornim Ministarstvom ovlaštenim od Vlade TK za sklapanje takvog sporazuma sa svakom općinom/gradom Tuzlanskog kantona.

Sredstva će koristiti raseljena lica i socijalno ugrožene osobe po projektu CEB II- zatvaranje kolektivnih centara na području Tuzlanskog kantona koje su ranije bile zbrinute u kolektivnom smještaju pod uslovom da su izabrane i verifikovane kao korisnici projekta CEB II.

Budući da su sredstva za ove namjene obezbjeđena u 23 razdjelu Budžeta Tuzlanskog kantona za 2024. godinu, glava 04, potrošačko mjesto 0002, ekonomski kod 614200 – tekući transferi pojedincima i ekonomski kod 614100 – tekući transferi drugim nivoima vlasti, predlažemo Vladi Tuzlanskog kantona da donese Program kao u prijedlogu.

OBRAĐIVAČ

Ministarstvo za rad, socijalnu politiku i povratak TK-a